

## UKỌBỌ MME ANDITIENE-CHRIST

Utom Mme Apostle 19:21-41; Matthew 10:16-28; Luke 21:12-19

ỌYỌHỌ UKPEP-ŃKPỌ 346

Eke Ikpọ Owo

**IKỌ IBUOT:** “Ọfọfọn ọnọ mbufo ke adaña emi owo edisuñide mbufo, enyuñ enam mbufo isin-enyin, enyuñ etiñ kpukpru oruk idiok-ńkpọ ke nsu edian mbufo kabaña Mi. Edaresit, edara eti-eti: koro utip mbufo ke Heaven omokpon: koro kpa ntre ke mmọ ekenam mme prophet emi ebemde mbufo iso edu isin-enyin” (Matthew 5:11, 12).

### I Eyen-Ufọk Ye Ete-Ufọk Esie

1. Jesus ama ọnọ mbet Esie ntọt abaña ukọbọ eke edidide, Matthew 10:16-18, 21-23; 24:9-14; Luke 21:12, 16, 17; Micah 7:5, 6; Mark 13:9, 12, 13.
2. Jesus ama ọnọ mbet Esie item ete ke Abasi eyenam mmọ etiñ ebe ke spirit, ikọ eke odotde mmọ nditiñ nnyaña idem mmọ ke ini edikọbode mmọ, Matthew 10:19, 20; Luke 21:13-15; Exodus 4:10-12; Jeremiah 1:6-9; Daniel 3:16-18; John 7:46; Mark 12:34.
3. Jesus ama anam akamba ukpep-ńkpọ oro ańwaña mbet Esie ete ke eyen-ufọk ikponke ikan ete-ufọk, Matthew 10:24, 25; Luke 6:40; John 13:13-16; 15:20.
4. Ema etiñ enọ mbet ete ekufehe mmọ emi ekemede ndiwot ikpohidem, edi yak efehe enye emi ekemede ndisin ukpọn ke hell, Matthew 10:26-28; Luke 21:18, 19; James 4:12; Psalm 119:120; Ecclesiastes 5:7; Jeremiah 5:22; Amos 5:6

### II Nduime Ke Ephesus

1. Ukọbọ emi eketienede ukwọrọ Eti-Mbuk Jesus Christ okoto nte Demetrius, odom-usọ sidibe (silver), ekesinde nsọk, Utom Mme Apostle 19:21-28; 2 ńwed Timothy 4:14; 3:11, 12
2. Otu mbon-ntime ema ebumere emum mbon nsaña Paul, Utom Mme Apostle 19:29
3. Mme ufan Paul ema ebiọnọ enye ete okuwọrọ ańwa okoduk ke otu mbon-ntime man enye okuda uwem esie esin ke afanikọn, Utom Mme Apostle 19:30, 31; 21:12; John 11:8
4. Ewet-ńwed obio ke akpatre ama anam otu mbon-ntime edobo, onyuñ anam mme owo enyọnọ, ke ntre ọbiọnọ idiok-ńkpọ nditibe nnọ mbet, Utom Mme Apostle 19:32-41.

## SE EKPEPDE EBAÑA

### Mme Nduhọ Eke Enyenede Mbet

Ema etetiñ ete, “Afanikọn edi ńkpọ emi edade edomo edu-uwem ese.” Enye onyuñ edi se edade edomo idaha erinyaña emi odude ke esit mmọ emi etienede Christ. Ndusuk owo ema enyene ata erinyaña, edi oto ke ukọbọ, mmọ ema ekop mmem-idem enyuñ efiak edem nditiene Jesus.

Jesus akananam itemeke owo ite enyene idorenyin ete ke usuñ Abasi edi mmem-mmem usuñ, mme, ndidọhọ ke edi enye emi miyomke ọyọhọ iwuk ye akwa mbiomo. ńke emi Jesus eketiñde abaña owo emi ọkọtọnọde ndibọp enyọn-ukpeme (tower) minyuñ ikemeke ndikure, oto ke unana mbeñidem, ekpedi ikọ nduri-utọn ọnọ mmọ emi ebumerede edomo ndidi mbet Esie. Fiak kese “Ekọm-urua emi nnyin inyenede ndikpe” ke ńwed ukpep-ńkpọ 12, ọyọhọ ukpep-ńkpọ 149, ke mme ukpep-ńkpọ ikọ Abasi eke Apostolic Faith.

Mbon ererimbot esiwak ndinyene mme owo emi etienede mmọ oto ntak kiet me eken, edemere udọn mme owo ini kiet edi itiñke inọ mmọ ńkpọ-ndik emi odude ke esit. Abasi itiñke akpanikọ ubak-ubak, mme ndikọ mme owo mbe ke nditre nditiñ nnọ mmọ mme afanikọn emi mmọ edikutde ke ini iso. Abasi etiñ ọyọhọ akpanikọ, ifukke, inyuñ idianke ńkpọ man ada ufọn ọsọk utom Esie. Abasi ọfiok ete ke mmọ

emi enyenede udōñ ke esit ndinam ñkpọ nnọ Imọ idikereke se iditibede inọ mmọ, edi eyesoñọ eda tutu ebọ anyanya uwem, enyuñ ewut idem mmọ nte ata mbet Qbọñ.

Jesus ikabiatke ini nditiñ nnọ mbet ete ke mmọ eyenyene akwa ukọbọ ke ntak enyiñ Imọ. Sia ima ikebebem iso ibọ nduri-utōñ ito Abasi ibaña mme mfina emi edidude, inaha emi ababuat nnyin, imekeme ndien ndidọhọ ye Paul ite “ema enim mi ete ññwana eñwan gospel” (Ñwed Mbon Philippi 1:16). Ke mmikpedighe ntre Satan, asua Abasi ye ikọt Esie, akpanam nditọ Abasi enim ke akpanikọ ete ke Abasi ọkpọñ mmọ ke ini ukọbọ adahade ada ye mmọ.

Mbuk Ufọk Abasi Christ otim owut ke akwa idaha nte ukọbọ emi Jesus ọkọnọde nduri-utōñ abaña okosude. Mbuk eset etiñ ete ke John Edima ikpọñ edi ñkukure mbet ke otu duop-eba, emi owo mikowotke-wot ke ntak ikọ Abasi. Ata ediwak ñko ema eyak uwem mmọ enọ ke ntak Eti-Mbuk utu ke ndikañ mbuotidem emi mmọ ekenyenede ke Abasi.

### **Christ Ye Beelzebub**

Nso idi ntak emi ekọbọde mme anditiene-Christ? Ikọ Abasi ọnọ ọyọhọ-ọyọhọ ibọrọ. Jesus ọdọhọ ete: “Edieke ererimbot asuade mbufo, mbufo emefiok ete, enye ama ebem iso asua Mi, ndien edisua mbufo” (Kot John 15:18-25).

Ubiom-ikpe Abasi ke abaña idiok-ñkpọ edi se idemerere iyaresit ke ukpọñ mme owo, emi esiwakde ndisuñọ ke edidaha nda mmọ ye iyaresit andidiok ññwana ye Christ, ññwana ye Spirit Abasi, nnyuñ ññwana ye kpukpru mmọ emi Spirit Abasi oduñde ke idem. Satan ekedi akpa andibiat ibet Abasi; ndien ke ini Adam ye Eve etutde utōñ ye Abasi, idiok-ñkpọ ye se idiokde okoduk uduot-owo. Mme odudu Satan, ye ediwak usuñ edinam ñkpọ ke ererimbot eñwañwana ye Abasi ye Christ ñko, ye ikọt Esie toto ke ini oro, (Kot Psalm 2:1-4). Adaña nte idiok-ñkpọ odude ke esit mme owo: adaña nte akamba urukikọt oro, Satan, osuk ọyọrọde ke ererimbot; adaña nte mmọ emi mibakke Abasi midioñọke se anade nte mmọ enam enọ Christ; ntre isin-enyin eyesuk aka iso ndidaha nda ññwana ye Abasi, Eyen Esie, ikọt Esie, uduak Esie ye Obio-Ubọñ Esie. Edi akpanikọ: “Edieke ererimbot asuade mbufo ... enye ama ebem iso asua Mi, ndien edisua mbufo.”

### **Ete-Ufọk Ye Qbọñ**

Ke ini ukọbọ ọsọñde ye ikọt Abasi, mme owo esiwak ndibup mbume emi: Nso idi ntak emi Abasi ayakde ikọt Esie edu ke akwa ubiak ye unan, ke ini edide Enye ekeme ndibiñọ ñkpọ emi edieke Enye amade? Ñwed Abasi itinke ibọrọ mbume emi otim añaña. Ata ediwak ntak emi Abasi ayakde ukọbọ osim mme owo eyena ntre ye unana ibọrọ tutu osim akwa usen emi Abasi edinamde ikọt Esie efiok kpukpru mme utọ ndedibe ñkpọ oro.

Jesus ọdọhọ ete: **“Ekem eyen ukpep-ñkpọ nditie nte andikpep enye, asaña-utom ndinyuñ ntie nte ete-ufok esie.”** Nnyin iyeyuhọ ye ikọ oro. Abasi ikosioho Jesus ifep ke akwa ukọbọ emi eketienede Enye. Akamba ufọn ama odu emi akanade nte enyene eto ndutuhọ Jesus ke ubọk mme ndiọi owo nte ikpọbọde edieke Abasi ọkpọkọbiñọde ukọbọ oro. Osu ntre ọnọ kpukpru ikọt Christ. Abasi ekeme ndibiñọ kpukpru oruk ukọbọ, ke usuñ ekededi eke enye akpadahade ada ye owo ekededi me ye kpukpru nditọ Esie, edi Enye esiyak otibe. Ekeme ndidi ñkpọ eke ọsọñde ye ekikere owo ndikut mme ufọn eke ukọbọ ekemedede ndida ndi, ke ini etiede nte enam akwa ubiak ye unan esim mmọ emi enyenede ebuana ke ikpọhidem Christ, ye ke ini ebiñọde edikwọrọ ikọ Abasi me nditetre. Yak edi nte enye ededi, ikọ Abasi edi akpanikọ ndien nnyin imekeme ndinyene idorenyin ke enye kpukpru ini tutu ke nsinsi, inyuñ iyak uwem inọ ke ntak akpanikọ. “Ti” Jesus ọkọdọhọ ete: **“Ikọ eke ñketiñde nnọ mbufo nte, Asañutom ikponke ikan ete-ufok. Edieke mmọ ekesinde Mi enyin, eyesin mbufo enyin ñko.”**

Mbuotidem nnyin ke Abasi inaha nte enyek, edieke ukọbọ, tutu osim idem mkpa, okposimde nnyin. “Edieke mmọ ema ekot ete-ufok ete, Beelzebub, ñwañwa-ediso ke mmọ edikot nditọ-ufok esie ntre.” Nnyin ikunyuñ ikere ite edi esen ñkpọ edieke nnyin inamde eti ndien ebiom nnyin ikpe ete ke inam idiok. (Kot Matthew 12:24-28; Isaiah 5:20).

## **Iko-ntiense Nnyin**

Ɗwed Abasi etin ete ke iko-ntiense emi nnyin itinde ino mmọ emi ekọbode nnyin edi ata akpan nkpo. Jesus eketeme mbet Esie ete ekukere se editinde ke ini esude nsu edori mmọ. Abasi eyenọ mmọ se editinde, idinyuń idighe iko idem mmọ ke mmọ editin, edi Spirit Abasi emi odude mmọ ke idem editin ifiok Abasi. Enye okodoho ete: “Koro Ami nyenọ mbufo inua iko ye ete ibuot, eke kpukpru mme asua mbufo midikemeke ndikań mme ndineni” (Luke 21:15).

Jesus okodoho mmọ ete, “Emi eyekabare edi ntiense onọ mbufo” (Luke 21:13). Paul eketin abana Jesus ete, “Emi eketinde ete iko mbuqidem ke iso Pontius Pilate” (1 Ɗwed Timothy 6:13). Ke akpatre nnyin ikot ke Eriyarare: “Mmọ ema ekan enye oto ke iyip Eyen-eron, onyuń oto ke se mmọ etinde nte ntiense. Mmọ imaha uwem mmọ tutu osim mkpa” (Eriyarare 12:11). Okposuk mitimke inwana nnyin ata akpan ntak emi akpanade nnyin itin iko-ntiense nnyin ino mme idiok owo ibana odudu Jesus Christ, edi, edi ata nkpo emi anade inam enye nte Jesus okodohode, ye Spirit Abasi emi etinde iko Abasi ebe ke nnyin.

Nnyin imofioke ite ke Abasi isinamke idiok-nkpo man ete nkpo qworọ edi. Abasi ikpayakke ekobọ ikot Esie ke ntak editin iko-ntiense nno mme idiok owo ikpon-ikpon. Mme ata ikpo nkpo emi ekponde ekan emi esine do, edi nnyin ikemeke ndifana se iko-ntiense ekemede ndinam ke utọ ini ntem.

## **Bak Abasi**

Nso ke anditiene-Christ edinam ke ini editinde iko mkpa ndinam enye edighe oto ke ntak edisuk ibuot esie nno Christ? “Ekunyuń efehe mmọ emi ewotde ikpohidem, edi mikemeke ndiwot ukpon edi ekam efehe Enye emi ekemede ndisobo ukpon ye ikpohidem ke hell.” Ndusuk mme iko emi ekpedi ndisime iko, edieke ekpedide owo efen etin mikpedighe Jesus Christ etin, edi mmọ edi iko eke enende enyuń enyenede odudu sia edide Enye eketin. Abasi okut kpukpru nkpo ukem nte mmọ edide. Enye idaha se ibanade uwem owo inam mbubru, koro edi Abasi okowuk ete, “Kuwot owo.” Edi mme owo enyene ndinyime, edieke anade nte mmọ ayak uwem mmọ eno ke ntak akpaniko Abasi ye erinyańa emi Christ ekedepde, utu ke mmọ enyime eno idiok-nkpo ye abiana.

Okposuk edi ndikpa ke uwem ikpohidem emi ke ubok mbon ibak ekpetiede nte se ikponde ikan ke kpukpru unomọ emi ekemede ndisim nnyin ke ison mme andidu uwem, edi Abasi etin onọ nnyin ete ikufehe ndik ke abana mkpa ikpohidem me se owo ekemede ndinam nnyin. Akwa ndik emi mme owo ekpenyenede ke esit mmọ akpabana Abasi emi enyenede ukeme, emi edinyuń emende ikpohidem ye ukpon mme idiok owo oduok esin ke hell. Ɗkukure se owo ekemede ndinam edi ndida ubiak ye ndutuhọ nnomọ obukidem ke ibio-ibio ini. Abasi emekeme ndimen owo nduok nsin ke ebiet nsinsi ndutuhọ, emi udomo ndutuhọ ye ubiak miduhe, utit esie minyuń iduhe nko. Edi anditiene-Christ, emi ofiokde ete ke se idisimde enye ke ntak Christ edidi ke ekpri ini, ekeme ndidu ke oyoho mbenidem ndisoho nda nnyuń nńwana ke ntak iko Abasi, tutu osim mkpa. “Mkpa mbon ima Jehovah edi nkpo-uto ke enyin Esie”; ndien edieke idude ke ndutuhọ mi ke ntak enyin Christ, Abasi eyekok mme unan ye ubiak nnyin, ndien mme nsinsi edidion eyesuhọ onọ mmọ emi edisohode eda ye Abasi tutu osim akpatre.

## **Eyen-Eka Asua Eyen-Eka**

Iko Abasi ke osu ke eyo emi ukem nte Jesus eketinde: “Eyen-eka eyenyuń ada eyen-eka onọ mkpa, ete eyenyuń onọ eyen esie: ndito eyenyuń edaha enwana ye mme ete ye mme eka mmọ, enyuń esin ewot mmọ.” Ke ukara emi baba owo ndomo kiet minyeneke nkpo ino idemesie (communism) emi odude ke China ye Korea, ye mme idut efen ke idak ukara Russia, se ikade iso idahemi edi ndusuk owo ke ufok eyebahare eda enwana ye owo emi onimde Christ ke akpaniko emi mimaha ndidi owo nka mmọ.

Ke China ye Korea, ema ewot ediwak ubon ke ini ekefiokde ete ke mmọ oro edi ufan ye mme anditiene-Christ, ye edieke mmọ enyenede Edisana Ɗwed Abasi me Ɗwed ikwo ufok Abasi. Ini ekon ndito Abasi ke abana idiok-nkpo, ererimbot, obukidem ye andidiok ibebe kana ifep. Mme iko nduri-uton ye item Jesus edi ukem-ukem mfin kpa nte Enye ekebemde iso etin onọ mbet Esie. “**Ekem eyen ukpep-nkpo nditie nte andikpep enye, asana utom ndinyuń nte nte ete-ufok esie.**”

## **MME MBUME**

1. Nso idi ntak emi mme ukọbọ esidahade eda ye mme anditiene-Christ?
2. Nso idi ntak emi ekekọbọde Jesus?
3. Nso idi ntak emi Abasi okonyimede ndiọi-owo ekọbọ Jesus?
4. Nte Abasi ekeme ndikpan mme owo ekukọbọ ikọt Esie?
5. Nso idi ntak emi Abasi esinyimede ekọbọ ikọt Esie?
6. Nso ke mme anditiene-Christ ekpetiñ ke ini ekọbọde mmọ ke usuñ eke midotke?
7. Owo Abasi akpanam nso ke ini etiede nte uwem esie ọmọñ ebe efep?
8. Anie ke nnyin ikpeneñere ifehe?
9. Ewe edi mkpon-ñkan ibak eke owo ekemede ndinam nnyin?
10. Nso ke Abasi ekeme ndinam ye owo, emi owo mikemeke ndinam?
11. Afo ekere ete ikọ emi Jesus etiñde ete “Ekem eyen ukpẹp-ñkpọ nditie nte andikpẹp enye” ọwọọ didie?